

RESTORESEN

BILONG GOSPEL BILONG JISAS KRAIS





GOD EM LAVING PAPA BILONG YU LONG HEVEN

God em Papa bilong yu long Heven. Em i save long yu em yet na em lavim yu moa we yu nap tingim. Emi laikim yu long stap hamamas insait long dispela laip na laip insait long heven oltaim oltaim.

Long kisim dispela pepos, Papa long Heven i kamap wantaim wanpela plan ol i kolim **gospel*** bilong Jisas Krai. Jisas Krai em Pikinini bilong God; Laip na tising bilong em ol gaid igo long bel isi insait long dispela laip na hamamas oltaim oltaim.

Papa bilong yumi long Heven i kisim bek—ristorim—hevenli trut we yu iken lainim na stap laip. Ol Dispela trut ol i bin soim pinis long ol profet long bipo.

GOSPEL I SAVE BLESIM OL FAMILI NA YUMI WANWAN

Gospel bilong Jisas Krai i save blesim olgeta husait i kisim na stap wantaim em. Wanpela gutpela peles long tisim na aplaim gospel em insait long ol famili. God em i kamapim pinis ol famili long kisim ikam bigpela hamamas long Ol pikinini bilong Em, long larim yumi long lainim korekt prinsapol insait long gutpela atmosfera, na long rereim yumi long go bek gen long Em taim yumi dai. Still famili rilesensip i save hat sampela taim, Papa Long Heven i save blesim yumi taim yumi traim hat long foloim ol tising bilong Jisas Krai. Dispela ol tising i save halivim yumi long strongim ol famili bilong yumi.

PAPA LONG HEVEN I SAVE SOIM GOSPEL BILONG EM

Olsem pat bilong plan bilong Em, God i save makim ol profet, olsem Adam, Noah, Abraham, na Moses. Ol Profet:

- Tis long God na ol i spesol witnes bilong Pikinini bilong Em, Jisas Krai.
- Kisim **revelesen**, o daireksen long Bikpela.

*Ol mining bilong ol Wod istap long red i stap long peig 18 na 19.

- Tisim gospel igo long olgeta manmeri long graun na tanim toktok bilong God.

Ol Profet i save kisim **prishud**, or otoriti long toktok na ekt insait long nem bilong God long lidim ol pikinini bilong Em. Ol manmeri husait i foloim ol profets bai i kisim ol blesing God i promिसim ol. Ol husait i rausim gospel na ol profet bilong God bai i lusim ol dispela ol blesing na ol yet bai i mekim ol yet long stap long wei long God. Ol dispela husait i rausim ol profet na toromai komitmen bilong ol long foloim God i stap long taim ol i kolim **apostasi**.

Ol tok tru ol profet i save autim i save igo lus taim ol manmeri i save rausim ol profet.

Stil planti ol pikinini bilong Em i save rausim Em olgeta taim na tu ol profet bilong Em, Papa long Heven i save stil kontiniu long lavim ol pikinini bilong Em. Em i laik long givim yumi olgeta samting yumi nidim long mekim yumi hamamas nau na long go bek gen long

Em bihain long dai. Ol skripsa i save tok aut long wanpela peten bilong God olgeta taim i givim han i go long ol pikinini bilong Em, stil planti taim yumi ino save harim.

- God i save makim profet.
- Profet i save tisim gospel na lidim ol manmeri.
- God i save blesim ol manmeri.
- Ol manmeri i save isi isi lus tingting or i no moa harim ol tising bilong profet. I go igo nau ol i save rausim ol profet na ol tising bilong em na pundaun igo long apostasi.
- Bikos long apostasi, ol manmeri i lusim save bilong ol long gospel. Prishud otoriti em i kisim bek gen long namel long ol manmeri.
- Taim taim em rait na ol manmeri ol i rere long foloim Em gen, God i save makim narapela profet, kisim prishud na Sios i kam bek, na dairektim ol profet long tisim gospel.

Ol mining bilong ol Wod istap long red i stap long peig 18 na 19.

Olpele Testamen ol profet ibin rekotim ol toktok bilong God.





JISAS KRAIS I KAMAPIM SIOS BILONG EM

Taim startim bilong graun i kamap, ol pikinini bilong God i lukluk igo pas long kambek gen long Seivia Jisas Kraiss. Olsem Emi tok promis pinis, Papa long Heven i salim Pikinini man bilong Em, Jisas Kraiss, long graun long 2,000 yia igo pinis.

Jisas Kraiss i bin istap gudpela laip, laip inogat pasin nogut. Emi kamapim Sios bilong Em, tisim gospel bilong Em, na mekim planti ol mirakol. Emi makim twelvpela man long kamap **Aposel bilong Em**, inkludim Pita, James, na John. Em lainim ol na givim ol prishud otoriti long tis insait long nem bilong Em na long mekim holi **ol odinens**, olsem **baptisim**.

Taim Jisas i kamapim Sios bilong Em, Em i kisim ol instraksen long Papa long Heven. Em gen tanim na instraktim ol disaipel bilong Em. Jisas i tisim ol manmeri husait i foloim Em olsem revelesen i kam long God bai i kamap olsem stone we Em bai i mekim Sios bilong Em.

Jisas Kraiss i kamapim Sios bilong Em:

- *Em i singautim na odenim ol Aposel.*
- *Em i givim ol otoriti bilong Em long ol long tis na baptais. Dispela otoriti ol i kolim prishud.*
- *Bihain long dai na kirapbek bilong Em, Em i kontiniu yet long gaidim ol Aposel insait long revelesen.*

Klostu long laip bilong Em bai i pinis, Jisas Kraiss i safa na dai long pasin nogut bilong olgeta manmeri husait ibin istap laip or husait bai i kam daun long stap long graun. Dispela sakrifais ol i kolim **Atonmen**. Insait long safaring bilong Em, dai, na **Resareksen**, Seivia i mekim isi long yumi long God bai i forgivim yumi. Husait igat feit long Em, tanim bel, na lukautim ol komanmen bilong Em bai i kisim marimari bilong God olsem em bai i rausim sin bilong yu na yu bai i pulap wantaim bel isi na hamamas.

Behain long Kirapbek bilong Em, Jisas Kraiss i gaidim ol Aposel bilong Em insait long revelesen. Baibel i kipim rekot long

Ol mining bilong ol Wod istap long red i stap long peig 18 na 19.

Jisas ibin putim han antap long ol Aposel bilong Em na givim ol prishud.

kainkain wei we Em i kontiniu long dairektim Sios bilong Em (lukim Acts 10 ; Revelesen 1:1. Olsem na Sios bilong Jisas Krai God i bin lidim na ino man.

BIGPELA TUDAK

Behainim long dai bilong Jisas Krai, ol sin manmeri i rausim na kilim planti ol Sios memba. Ol narapela Sios memba isi isi igo lus tingting long ol prinsapol Jisas Krai na ol Aposel

*Wantaim dai bilong ol
Aposel bilong Jisas Krai,
trut em lus gen.*

bilong Em i bin tisim. Ol i kilim ol Aposel, na prishud otoriti— wantaim ol ki long dairektim na risivim revelesen bilong Sios— God i kisim bek gen long graun. Bikos Sios i no moa ron wantaim

prishud otoriti, ol giaman isi isi krol ikam insait long ol tising bilong Sios. Gudpela ol manmeri na planti trut i stap, tasol gospel we Jisas Krai i kamapim i bin lus. Dispela longpela taim ol i kolim Bikpela Tudak.

Dispela bikpela tudak i mekim na planti sios i bin kamap wantaim ol tising we i kirapim bel. Long dispela taim, planti ol manmeri i bin painim trut, tasol ol i hat long painim. Planti gudpela manmeri i bilip long God na Jisas Krai na traim lo andastendim na tisim trut, tasol ol i no gat full gospel or prishud otoriti. Bilong wanem, wanwan generesen i bon wantaim dispela pasin bilong tudak taim tingting bilong ol manmeri i bin paol wantaim wanem ol samting bipo generesen i pasim igo, inkludim ol senis long gospel bilong Krai.

Sampela save man, olsem Martin Luther na John Calvin, ol i luksave olsem ol pasin bilong gospel na ol doktrin i bin senis o ol i bin lus. Ol i traim long mekin senis na kamapim ol sios long we ol i go long em. I nogat otoriti bilong prishud, still, gospel bilong Krai bai i had turu long go bek seim gen olsem bipo.

Ristoresen ol i nidim.

God i bin save olsem tudak

bai i kam. Insait long Olpela

Testamen profet, Em tok:

“Lukim, ol dei bai i kam . . . olsem bai

Me salim hangere i kam long graun,

ino hangere long bret, na nek i

drai long diring wara, tasol long

harim toktok bilong Bikpela:

“Na [manmeri] bai i painim nambaut

long sol wara igo long sol wara,

na long nort igo long ist, ol bai i run igo na

kam long painim toktok bilong Bikpela,

na bai ino inap painim.”

Amos 8:11–12



RISTORESEN BILONG GOSPEL

Insait long 1820, olsem Em i bin mekim long hitori, Papa long Heven agen i makim wanpela profet long kisim ikam bek gen gospel na prishud long graun. Dispela profet nem bilong em Josep Smit. Olsem wanpela yangpela man, Josep i bin paol bilong wanem planti ol tok pait i bin kamap insait long ol sios insait long peles bilong em na em i laikim tumas long save wanem sios em i rait. Em i save olsem em i nogat save, em i foloim advais istap insait long Baibel, “Sapos sampela bilong yupela i nogat save, larem em askim God, husait i save givim fri igo long olgeta manmeri, na ino inap bagarapim yu; na em bai i givim long yu” (James 1:5).

Josep Smit i tingting na i laik askim God wanem samting em i mas mekim. Taim Josep i prea long save long trut, Papa Long Heven na Jisas Krai i kamap ples klia long em. Jisas i tokim Josep long inoken joinim ol narapela sios, bilong wanem “olgeta i rong” na “olgeta i save kam klostu long mi wantaim maus bilong ol, tasol lewa bilong ol istap long wei tumas long mi, ol i save tisim ol doktrin ol lo bilong ol man, kisim wantaim ol pasin bilong lotu manmeri, tasol ol i save ino bisi long pawa we em i stap” (Josep Smit—Histori 1:19).

Olsem God i mekim wantaim Adam, Noah, Abraham, Moses na ol narapela olupela profet, Em i kolim Josep Smit long kamap profet husait i kisim olgeta gospel i kam bek gen.

Josep Smit lukim Papa Long Heven na Jisas Krai. Long dispela ekspiriens, em i tok:

“Mi lukim wanpela bikpela lait insait tumas i stap antap long het bilong mi, i winim lait bilong san, em i kamdaun isi isi igo na em pundaun antap long mi. . . .

“Taim lait em i stap antap long mi Mi lukim tupela Man, husait light na glori bilong ol i winim olgeta samting, i sanap antap long mi antap long skai. Wanpela long ol i toktok i kam long mi, i kolim mi long nem bilong mi na tok, soim pinga igo long narapela—

Dispela Em Pikinini bilong Mi Mi laikim tumas. Harem Em!”

Josep Smit—Histori 1:16–17

Ristoresen bilong Prishud

Insait long 1829, Josep Smit i bin risivim seim prishud otoriti we Jisas Krai i bin givim igo long ol Aposel bilong Em. John bilong Baptais, husait baptaisim Jisas, i kamap long Josep Smit na putim han antap long em na givim **Aronik Prishud**, o liklik prishud. Peter, James, na John (Tripela nambawan Aposels bilong Jisas Krai) bihain Taim i kamap long Josep Smit na putim han antap long em na givim em **Melkizedek Prishud**, o hai prishud.

Bihain long em i kisim prishud otoriti, ol i tokim Josep Smit long kamapim Sios bilong Jisas Krai gen long graun. Olsen long em, Jisas Krai gen i kolim ol Twelvepela Aposel.

Jisas Krai i salim John bilong Baptais na bihain tripela ol Aposel bilong Em igo long Josep Smit long givim em otoriti bilong prishud.

Wankain Olsem Jisas Krai ibin lidim ol Aposel bilong Em long revelesen bihain long Em i Kirap bek, Em yet i kontiniu long dairektim Sios tudei antap long ol profet na ol aposel istap laip. Presiden bilong Sios bilong Jisas Krai bilong ol Seint long Las de em profet God i makim tudei. Em, ol

kaunsela bilong em, na ol Twelvepela Aposel nau holim wankain tok orait bilong prishud olsem ol profets na aposel bilong bipo taim. Dispela ol man ol profets, sia, na man bilong kisim revelesen.

Ol mining bilong ol Wod istap long red i stap long peig 18 na 19.

Pita, James, na John—ol Aposel bilong Jisas Krai—putim han antap long Josep Smith na givim em Melkizedek Prishud.





BUK BILONG MOMON

Olsem pat bilong Ristoresen bilong gospel, God i kisim ikam bek Buk bilong Momon: Narapela Testamen bilong Jisas Krai.

Long pawa bilong God, Josep Smit tanim tokples bilong dispela buk bilong oltaim rekot we ol i raitim long ol gol plet. Buk bilong Momon em “narapela rekot bilong God i mekim wok wantaim ol bipo bipo lain tumbuna bilong Amerika na i gat fulnes bilong gospel oltaim oltaim” (introdaksen igo long Buk bilong Momon).

Buk bilong Momon em wanpela pawaful witnes bilong Jisas Krai. Em i halivim yumi long andastendim ol tising bilong Em, wantaim ol dispela insait long Baibel.

Buk bilong Momon em wanpela trupela evidens bilong Ristoresen bilong gospel insait long Josep Smit. Yu iken save long yu yet olsem Buk bilong Momon em i turu. Long kisim dispela save, yu mas ridim, tingting long toktok bilong dispela meseig, na imas igat bel bilong save sapos em i tru. Yu mas askim Papa Long Heven long soim yu olsem emi toktok bilong Em. Taim yu mekim olsem, Em bai i soim ikam long yu insait long **Holi Spirit** olsem em i turu.

Taim yu kam long save olsem Buk bilong Momon em i tru, yu tu bai ikam long save insait long Holi Spirit olsem Josep Smit i bin profet bilong God, olsem gospel bilong Jisas Krai i bin kam bek gen long em, na olsem Sios bilong Jisas Krai bilong ol Seint long Las de em profet na ol aposel i ronim tudei.

Yu ken save olsem wanem samting ol misinari i tisim yu em i tru sapos yu ridim na prea long Buk bilong Momon:

“Sapos yu askim wantaim trupela hat, wantaim trupela risen na tingting, na igat feit insait long Krai, em bai i mekim klia trut bilong em i kam long yu, long pawa bilong Holi Spirit.

“Na long pawa bilong Holi Spirit yu bai i save long trut bilong olgeta samting.”

Moronai 10:4-5

Ol mining bilong ol Wod istap long red i stap long peig 18 na 19.

Jisas Krai i visitim ol Amerika em ol i rekotim insait long Buk bilong Momon.

HOW BAI MI SAVE?

Yu iken save olsem dispela meseig i turu. Sapos yu askim Papa bilong yu Long Heven insait long prea, yu ken kisim ansa long Em ikam long Holi Spirit. Holi Spirit tu ol i save kolim Spirit bilong God, na wanpela wok bilong em long witnes, o tokaut, long ol trut.

*H*ow Bai Mi Prea?

- *Adresim Papa bilong yu Long Heven.*
- *Soim ol pilim bilong hat bilong yu (tenk yu, ol askim, samting yu laikim long em long konfemim trut bilong Buk bilong Momon na long wanem ol misinari i tisisim long em).*
- *Pasim (“Insait long nem bilong Jisas Kraiss, amen”).*

Dispela save iken kam long pawa bilong God na iken senisim laip, tasol em i save olgeta taim ikam olsem wanpela sailent piling i givim yumi gudpela piling olsem em i turu, na ino soim bigpela pawa bilong God. Holi Spirit i save konfemim trut insait long ol pilings, na ol tingting na luksave. Olsem Baibel i tisisim, “Kaikai bilong Spirit em lav, hamamas, bel isi, pilim pen longpela taim, jentolness, gudpela pasin, feit, stap isi, [na] kontrolim yu yet” (Galatians 5:22–23). Dispela ol piling ikam long Holi Spirit em revelesen bilong yu yet olsem gospel bilong Jisas Kraiss ikam bek gen antap long Josep Smit em i turu. Yu bai nid

long mekim susim bilong yu olsem bai yu stap gud wantaim dispela save yu risivim pinis.



LIST BILONG OL WOD

Aposel Nem Jisas Krai i givim igo long ol twelvpela man Em i makim olsem ol wokman bilong Em husait em wok klostu long taim bilong wok ministri bilong Em long graun na long husait Em i givim tok orait long wok insait long nem bilong Em. Long ol taim long tudei, Jisas Krai em i kolim ol narapela man long wok olsem ol Aposel bilong Em. Olsem long taim bipo, wanpela Aposel em wanpela speisol witnes bilong Jisas Krai na em igat otoriti ikam long God.

Apostasi Taim wanwan man, Sios, or olgeta manmeri insait long kauntri ol i rausim or tromoi igo gospel bilong Jisas Krai. As bilong apostasi i save kamap insait long separesen, tingting ino stret, na prishud otoriti i lus, or rait long mekim wok insait long nem bilong God.

Aronik Prishud Liklik prishud. Dispela prishud i gat tok orait long baptaisim na em i kisim nem bilong em long Aron insait long Olpela Testamen bilong Baibel.

Atonmen Dispela taim we em bai i halivim yumi long tok sori long God. Long aton em long pilim pen long olgeta panismen bilong pasin nogut, olsem na em i ken rausim pen bilong pasin nogut long ol manmeri husait i tanimbel. Jisas Krai em i bin wanpela tasol husait i ken mekim dispela klinpela Atonmen bilong olgeta manmeri long graun. Atonmen bilong Em i bin kam wantaim pen we em i kisim bilong pasin nogut bilong yumi, blut bilong Em i bin kapsait, na dai na Kirapbek bilong Em. Bikos long Atonmen, olgeta manmeri husait i bin stap laip bipo bai i kirapbek. Atonmen tu i save givim yumi rot we yumi i ken tok sori long ol pasin nogut bilong yumi na long stap oltaim oltaim wantaim God.

Baptisim Wanpela impotent step long kisim fogivnes long ol pasin nogut bilong yu. Insait long baptisim na konfemesen we ol prishud otoriti i mekim, bai yumi i kamap memba bilong Sios bilong Jisas Krai bilong ol Seint long Las de. Baptisim em lo go insait long wara, em olsem dispela man we em i baptais mas igo aninit long wara. Baptisim i save soim laikim bilong yumi long foloim leg mak bilong Krai na long mekim kavanen wantaim God.

Gospel Plan bilong Papa Long Heven em long halivim yumi long i gat bel isi insait long dispela laip na hamamas oltaim oltaim.

Atonmen istap namel insait long gospel bilong Jisas Krai na i laikim yumi long igat feit long Em, tanim bel, baptais, risivim Holi Spirit, na stap gud tasol inap dai i painim yumi.

Holi Goust Na tu ol i kolim olsem Holi Spirit, Spirit bilong God, na man i save halivim yumi long taim bilong sore. Em i save witnes, o tok aut, long Papa Long Heven na Jisas Krai na soim na tisim trut.

Kirap bek Bihain long dai bilong bodi, joinim bilong spirit wantaim bodi bilong mit na ol bun we i klin na nogat makmak long em. Jisas Krai em tasol i bin nambawan man long kirap bek.

Melkizedek Prishud Antap moa or bigpela prishud. Ol i givim nem bilong Melkizedek insait long Olpela Testamen bilong Baibel, husait i bin stretpela hai pris na king.

Odinens Wanpela holi, wok we prishud otoriti i save mekim. Wanpela eksampol em baptisim.

Prishud Tok orait na pawa bilong God. God i givim dispela pawa igo long ol man long mekim wok long nem bilong Em. Aronik Prishud i bin kam bek gen antap long Josep Smit we John bilong Baptais i bin givim, husait i bin baptaisim Jisas. Pita, James, na Jon, tripela Aposel bilong Jisas i bin kisim i kam bek Melkizedek Prishud.

Revelesen Kisim na salim toktok namel long God na ol pikinini bilong Em, i save olgeta taim ikam insait long Holi Spirit. Wanwan manmeri i ken kisim revelesen long gaidim laip bilong wanwan yet, tasol profet God i makim long em i save kisim revelesen bilong wol. Revelesen i save ikam long kainkain wei, tasol olgeta taim emi save ikam olsem taim yu tingting, pilim, na wanem gudpela samting ikam insait long tingting bilong yu.

Ristoresen Makim ol samting olsem ol i stap long em; buildim i kam bek gen; kisim i kam bek gen niupela. Bihain long trut na otoriti i bin lus long graun, gospol ibin kam bek gen antap long Profet Josep Smit. Ristoresen em ino wankain olsem rifomesen *rifom* i minim olsem traim long senisim wokgrup or pasin long tudei wantaim tingting bilong yu igo long trupela pasin em i bin stap bipo, na *risto* i minim olsem kisim i kam bek gen or mekim niupela gen stretpela grup or pasin bipo wantaim olgeta samting bilong em.

EKSTRA STADI

Ol dispela askim na skripsa bai i halivim yu long lainim moa long ol prinsapol insait long dispela pamplet na tingting long em. Dispela list ino pinis; ol haptoktok na kros-refrens insait long skripsa bai i soim yu rot igo long ol ekstra moa stori na risos.

Em isave minim wanem long yu olsem God em Papa bilong yu long Heven?

Malakai 2:10 (Baibel, Olpela Testamen)

Hibrews 12:9–10 (Baibel, Niupela Testamen)

Wanem em wok bilong profet? Wai na em i impotent long save olsem God isave toktok long ol profet?

Amos 3:7 (Baibel, Olpela Testamen)

Jekop 4:4–6 (Buk bilong Momon, peig 144)

Em i save minim wanem taim yu igat prishud otoriti? Hao bai wanpela man i kisim dispela otoriti?

Matthew 10:1 (Baibel, Niupela Testamen)

John 15:16 (Baible, Niupela Testamen)

Wanem i save kamap sapos dispela otoriti i lus?

Amos 8:11–12 (Baibel, Olpela Testamen)

1 Nifai 13:24–29 (Buk bilong Momon, peig 28)

Ol Aposel bilong Jisas i bin save olsem apostasi bai i kamap tu or nogat?

Eks 20:28–31 (Baibel, Niupela Testamen)

2 Tesalonians 2:2–3 (Baibel, Niupela Testamen)

2 Timoti 4:3–4 (Baibel, Niupela Testamen)

Em i minim wanem long yu olsem gospel bilong Jisas Krai i bin kam bek gen antap long Josep Smit?

Testimoni bilong Profet Josep Smit (pamplet)

Wanem em Buk bilong Momon? Hao na em i witnes bilong koling bilong Josep Smit olsem profet?

Buk bilong Momon taitol peig

Buk bilong Momon introdaksen

Wanem em wok bilong Holi Goust?

Alma 5:45–47 (Buk bilong Momon, peig 263)

Moronai 10:3–5 (Buk bilong Momon, peig 645)

LOTU WANTAIM MIPELA

KAM NA LUKIM HOA GOSPEL WE I BIN KAM
BEK PINIS I KEN BLESIM LAIP BILONG YU



Sakramen miting em main lotu sevis. Em i save istap moa liklik aburusim wangepela awa na i gat ol dispela foloing:

Ol singsing bilong lotu: Ol manmeri i save singim. (Ol buk singsing ol i provaidim.)

Ol Prea: Ol lokol Sios memba i ofarim.

Sakramen: Bret na wara ol i save blesim na pasim aut igo long ol manmeri long tingim Atonmen bilong Jisas Kraisis.

Ol lain bai toktok: Olgeta taim wangepela or tupela ol memba presiden i makim bai i toktok long ol gospel topik.

Dres: Ol Man na ol bois i save werim sut or naispela longpela traosis wantaim set na nek tai. Ol bikpela na ol liklik Meri save werim dres or blaus.

Ol ino save askim long putim donesen long taim bilong lotu sevis.

Mipela tu i invaitim yu long atendum ol ekstra miting, akoding long intrest na krismas grup bilong yu. Hao na ol miting isave istap long em i ken senis na tu ples bilong em long yusim.

Sande Skul: Ol klas bilong stadim ol scripsa na doktrin bilong gospel.

Ol Prishud miting: Ol klas bilong ol man na ol bois we krismas bilong ol i 12 na igo antap.

Rilif Sosaiti: Ol klas bilong ol meri we krismas bilong ol i 18 na igo antap.

Ol Yangpela Meri Ol klas bilong ol liklik meri we krismas bilong ol i 12 igo long 18.

Praimari: Grup servis na ol klas bilong ol pikinini we krismas bilong ol i 3 igo long 11. Neseri bilong ol liklik pikinini we krismas bilong ol i 18 mun igo long 3 pela krismas i save stap.



Sakramen miting taim: _____

Adres bilong Haus lotu: _____



Wanem samting bai Mi Mas Mekim?

- Ridim Buk bilong Momon.

Sampela ol riding: _____

- Prea lo save olsem Josep Smit em i bin profet na olsem Buk bilong Momon em toktok bilong God.

- Atendim sios.

- Tingting pastaim nau olsem yu bai i foloim Seivia taim yu baptais. Deit bilong baptaisim:
- _____

- Visitim www.mormon.org long lainim moa long ristod gospel bilong Jisas Krai.

- Kontiniu long bung wantaim ol misinari long save moa long ol trut God i bin ristorem antap long ol profet bilong tudei.

Narapela apoinmen: _____

- Nem bilong ol misinari na fon namba:
- _____
- _____
- _____

SIOS BILONG
JISAS KRAIS
BILONG
OL SEINT LONG LAS DE

www.mormon.org

Piksa Kredit

Frant Kava Lus Sipsip bai Del Pason © Del Pason Noken kopi
Peig 2 bai Steve Bunderson
Peig 5: Dital long Profet Aisalah tokaut pas long Bon de bilong Krai, bai Harry Anderson
Peig 6: Dital long Krai i Odenim ol Twelv Aposel, bai Harry Anderson
Peig 13: Dital long Ristoresen bilong Melkizedek Prishud, bai Kenneth Riley
Peig 14: Dital long Jisas Krai i Visitim ol Amerika, bai John Scott
Ol Peig 17, 22, 23 bai Steve Bunderson

© 2005 bai Intelektual Risep, Inc. Olgeta rite i risep. Printim lo USA.
Tok orait long Inglis: 1/06. Tok orait long tanim tokples: 1/06. Tanim Tokples bilong
The Restoration of the Gospel of Jesus Christ. Tok Pisin. 01148 878

TOK PISIN



4 02011 48878 3

01148 878